

石梁文集

二





石渠文集卷之二

久留米

樺島公禮世儀著

詩

自叙寄答東都奕塲王舉泉豐洲沼竹溪三兄

齊景高會飲牛山千里山河淚潸潸偉哉漢高創鴻業臨死罵璽睨宇寰雄豪志氣須如此英風百代不可攀我后龍興天所推壓倒沛中隆準兒偃武備文

492/2



和  
1294  
2

石梁文集卷之二

久留米

梓島公禮世儀 著

詩

自叙寄答東都爽鳩星皋泉豐洲沼竹溪三  
兄

齊景高會飲牛山千里山河淚潛潛偉哉漢高創鴻  
業臨死罵鑿睨宇寰雄豪志氣須如此英風百代不  
可攀我后龍興天所推壓倒沛中隆準兒偃武脩文





二百歲海隅蒼生浴恩熙文運一開奎壁燦四方儒  
紳爭扼腕余亦墜地具五官耻隨漁樵老樗散飄然  
嘗與桑梓別志在投身探虎穴腰間雙劍潛吐光囊  
中錢物時時絕橫駕南溟鵬翼雲高蹈東海芙蓉雪  
東海雄都戎后家日月累輝照四涯邸第城樓千萬  
疊壯麗蔚如五色霞云是天下英才窟人握隨珠家  
靈蛇此來稅笈覘籬藩多少難險度寒暄初如河伯  
始觀海後若黃鶴漸出樊黃鶴出樊羽翼長所伴鸞  
鳳或鴻鸕同鳴相和十九歲千林禽鳥入一睇紫臺

雲霞趣有餘玄宮風月情無際自古造物恪假人無  
端世事奈纏身乃捐若木辭太嶽浩然歸去西州春  
西州春暖花如錦親戚故舊日相親免得蘓家妻嫂  
笑依舊長卿四壁貧仰顧前遊似大夢一時周旋風  
外塵邯鄲愚人迷故步武陵漁父不記津歲月屢移  
事亦變擊壤自稱太平民家有小園如掌大自力灌  
掃養精神一顆石燈方五寸植之園心池之濱暮醉  
始醒起點火影映涼波耀四鄰借問誰人贈此物風  
流學監田孟椿余喜勝似賜華袞又譬趙璧來八秦



自笑今吾異故吾壯志摧來癡想新昨夜東書辱遠  
寄丈夫七尺非徒器東土文壇看欲衰中原旗鼓子  
無意讀之中夜私張拳寒盡灰心再欲燃殘燈照枕  
不成夢朝窺明鏡雪滿顛河水可馮虜可暴明鏡之  
雪難使玄試雇家人令鑷去少女百莖老妻千百莖  
千莖不可數無邊秋風落高天咄嗟馬援跨鞍真壯  
事馮婦攘臂人誰憐時命一遷不可引功名萬古是  
浮煙君不見地軸嘗傾海三從麻姑仙人笑莞爾

送雨森禎季還鄉

秋風非是戀鱸魚昨夜高堂一紙書已見文章成鳳  
彩堪誇志氣似龍嘯三年東道煙霞主千里南山松  
菊廬歸日設令能自晦風猷却恐引時譽

九日茅堂集分韻

盛年遊跡遍天涯處處登高意氣誇一別芙蓉天外  
雪十年松菊逢邊家青尊此日同秋賞白髮多情感  
物華賴有詩懷餘浩蕩謬隨諸少競煙霞

洗心亭得心字

吉公書屋趣何深事物祗知向古尋塵芥名門華族



氣膏肓明月白雲心露浮几席秋偏好松偃簷櫺晝  
欲陰戒醉要歌山水曲壁間挂有伯牙琴

同前奉懷息焉公

唱罷皇華別意深河山萬里杳難尋頻年一日三秋  
思此際登高作賦心上國風雲秋漠漠西溟煙月歲  
陰陰相思如問衡茅狀寒壁依然山水琴

贈某生六十六韻

北冥有鵬鳥翼如垂天雲羊角搏扶搖下民不見痕  
當其圖南日水擊萬鯨噴窮鄉有蝙蝠好巢人屋軒

非鳥又非鼠肉翅飛騫騫白晝伏不出昏暮竊逐蚊  
求食雖其分其志污且渾性又為倒懸却笑人倒蹲  
鄙哉小蝙蝠大哉天池鯤雖然天生物大小各有樊  
溝海難相易椿櫟可相替人則異于是橫目總一羣  
生受天地中秉彝方寸存賢愚雖異等非如鵬蝠分  
惟狂念作聖至誠動帝閭惟聖不念狂暗鬼奪神魂  
所以豪桀士窮力學斯文孫公常閉戶董生不窺園  
匡衡鑿壁讀倪寬帶經芸業就人天應榮名高崑崙  
彼惛不畏命懶骨將情筋百事安苟且一生希飽溫



讀書在飾面為官獨備負浮躁塵飄蕩辨給花翎翻  
已違天地意遑問君親恩碌碌北堂膝施施東郭墻  
抗顏驕妻妾何物詒子孫何異蝙蝠陋況望大鵬尊  
日月無私照奇禍必紛紜可憐窮厄日書空聲獨吞  
僅得脫漁網喜如却秦軍譬之猶飲毒過咽復欲殮  
雪耻須知耻全元在喪元棲後有霸業胯下出元勳  
一氣滴穿石焉得不自勤余也愚且劣桑榆又向昏  
嘗感古人教中宵耻且謹無述悔原壤益壯慕馬援  
言此深自警又欲併語君君原名家子芝蘭有餘芬

趨庭聞詩禮遺書富典墳質如新磨玉齡若初升曦  
志同金石固才似驥騏奔博涉數萬卷新著五千言  
人欲焚筆硯友皆登降禡已輝堂構美深喜世譽蕃  
余嘗靜閱古家或糴猶薰朱均唐虞裔饒饒縉雲昆  
韓公百代表子有錯金根劉侯一方岳兒皆是犬豚  
不幸乃如此多福集君門君門何多福一家足五博  
脫俗心曠曠樂天意欣欣嬉戲為菜舞笑歌鼓秦盆  
陶母饗先達竇妻勝舊婚姊夫資林宗女嚶戒屈原  
婦翁類樂廣舅氏近晉文闔族爭推轂中原可屬鞬



譬如長袖舞又似飛耳聞羽翼搏猛虜爪牙生孟賁  
吁吾驚歲月如君少乾坤交道忝如水野情欲獻芹  
安知涓滴小無益江河源君福已爾爾君材又云云  
蝙蝠固非憂鵬翼豈難捫顛培九萬風怒飛翔雲旻  
寄懷安八郎在東都  
西州草木九秋深東海煙濤碧萬尋別後同袍唯有  
夢老來遠道轉關心屬橐君正酣城濮抱甕吾常學  
漢陰江上蓴鱸今已美莫令明月怨幽琴

春日病中作二首

樗櫟忝恩家未飢茅衡養病命無危夜聽靜磬鳴鄰  
寺晨見馴魚戲小池好友枉時同抵掌閒人來處或  
圍棋優游卒歲真何幸高誦香山中隱詩

其二

遊倦嘗回海上槎物閒漸慣郭南家逍遙萬古鵬將  
鷗娛樂三春月與花不用憂時心鞅鞅何妨送老句  
哇哇近來得病添餘暇日閱詩書到日斜

米澤老侯命刻平洲先生遺稿今年刻成遙  
賜一部賦寄神保督學



懷友三秋似病醒  
訣師十歲夢頻驚  
遙思宿草埋丘墓  
新喜遺書布海瀛  
魯國原崇逢掖士  
揚雄不朽草玄名  
何緣剪燭西窓夜  
握手親論此際情

西條邸後園花下侍宴與春川龍渚諸子同賦

芳樹氤氲花氣散  
名園空闊日光閒  
原來桂棟蘭楹邸  
疑坐雲興霞蔚山  
雨洗幽亭晴有色  
人酣美酒酌無間  
歡深湯共貪恩眷  
潦倒春風晚未還

題洞明采菊圖

謝憂徐慟運終傾  
無奈寄奴勢已成  
數朶黃花香萬古  
晉朝徵士字淵明

楠正行

建武朝廷不可論  
浮雲白日暗乾坤  
君看櫻井亭邊淚  
凝作四條忠義魂

十一月十八日書感

去年今日發家鄉  
東路二千九百強  
積雪險山徒叱馭  
驚濤大海怯垂堂  
更逢風木心中感  
其奈鵲鷦原上傷  
纔是一暮回瞬內  
客窓幾度已沾裳

今茲四月三日叔兄



人壽集卷之二  
之計至十月十四日是  
先考三十三年忌辰也

題江干風雪圖余客臘東來途經富士川遇

雪故及七八

風飄暮雪散江涯兩岸寒光颯老葭紛亂羣飛爭起  
鷺須臾千朵萬枝花撐篙舟子呼無客收網漁翁歸  
有家去歲芙蓉川上路親逢此景數停車

題米南宮拜石圖

襄陽夫子宋英豪拜石雖狂狂却高我笑陳橋變成  
日羣公屈膝向黃袍

送精里先生之對州接韓使

邀矣神功后偉哉豐葦津猿郎聊撫劍狗國久無塵  
明主新臨位終王當及辰雞林戒北鑰馬島引西賓  
已選皇華使又勞逢掖臣含恩輕萬里建節屬三春  
花蔚山陽道霞飛玄界濱天邊維鷁首壇上降麻綸  
野合寧妨禮廟謀實有人籬篁中座列筆翰兩情伸  
才是稱專對交偏在善隣周旋儀翼翼辭令語彬彬  
贈縞延陵輩和我魏絳倫翩如黃鶴舉去與紫雲馴  
名姓銘鐘鼎聲譽重玉珉吾徒慙食粟誰不願攀鱗



閱世揚眉少送君拊髀頻光輝照儒籍自愛萬金身

贈高安二子

高子之詩主姿儀宛如美婦折花枝安子之詩貴朴  
直猶似武人擁鐵椎二子詩風已冰炭詩論平常亂  
如絲余處中間耳日聒欲為解紛無手施今春安子  
將歸國諸賢相覽撫吟髭如何一斗百篇手安瘖高  
瘖無一詞非無一詞調不合擔云半句不相貽退省  
其私交正厚如金如石又如飴獨至詩風冠相視應  
是前生有逋貲借問論來做何狀猛虜負嵎驥破羈

高曰子誠田舍漢不解世遷詩亦移方今轂下名家  
起首唱宋元立大旗大旗所指人風靡天下誰得不  
師資青蓮工部已陳腐北地濟南是偽詩安曰都人  
趨時勢明人豈不子前師舍舊投新君子耻我豈忍  
為輕薄兒二子異見概如此其論所以無定期余不  
知詩學又淺何由得妄評雄雌雖然嘗奉先民教每  
聽二論心竊疑養樹寧先枝與葉營堂須定礎兼基  
毛詩三百聖人擇漢詩十九古賢為陶謝曹劉雖後  
矣猶有古人忠厚遺可恨後賢爭逐未說到古風棄



且委一百年来詩益開或明或宋立樊籬古者學詩  
啓牆面今則爭詩類奕基出奴入主心何隘朝四暮  
三世或欺楊岐墨絲真堪泣風雅灰飛聖教萎我輩  
此說不出口恐被時人狂且癡二子原來我信友時  
或從容呈愚私高子顏和安子哂從此詩論如少夷  
無那晉楚奮強敵向成和議一旦隨及安之別論重  
起海潮動地雙鯨馳余已神疲又氣倦大廈一木不  
可支客厨幸有一壺酒二君好來傾數卮嗚乎人壽  
七八十邯鄲黃梁唯一炊君莫論詩我頭痛頭痛客

岑使人衰君莫辭酒酒多趣醉後悠悠彼我宜况又  
此別三千里別前不樂別後悲

讀荻州栢原山主風航尊者乞寄題文

春水賴翁世碩師好潛踪跡難可窺嘗遊北地溫泉  
館眠卧三旬主不知栢原山寺倚崢嶸海山秀媚慙  
詩情翁携家春遊两次山僧不知去後驚山僧為誰  
航尊者滿腹風流氣瀟洒欲重致翁策無遺終得相  
邀白蓮社廣陵城裏如油酒為翁破戒饗數斗雛僧  
磨墨童展絹林鶴延頸猿拱手此時翁醉興飛揚揮



筆立成六勝章素堂水簾繚續橋松階檜亭送月塘  
航公乃笑與杯會滿座蹶然拜翁賚從此栢山一世  
傳其功全在航與賴紫海樺生喜奇事聞之絕倒倒  
三四於戲翁性大倔彊非師通力爭得致余亦雖力  
非神通廿五年來得親翁非獨親翁及其弟中賴小  
賴久相同忽覩此文遙抗顏思航思賴又思山山之  
美景如在目山之美酒欲盈腹它年造物假良緣握  
手同醉栢山巔

雞啼曲

僕馬在門雞亂鳴良人一揖去行行別來三歲空閨  
曉惡聽膠膠角角聲

孟子詩

國家閒暇徒鋪啜夏后殷周彼一時長幼卑尊必曰  
利臺池鳥獸作之師阨窮不憫段干木左右望之子  
叔疑將大有為誠在我無賢者也豈難知

次韻同前

臣聞飢者易為食發政施仁惟此時七八月間如反  
手二三策已有餘師江淮河漢孰能禦安富尊榮請



勿疑馮婦下車君子耻憂心悄悄彼惡知

題月落潮平圖送臺山翁歸隱

臺翁將去寓人廬  
鮮挂月落潮平圖  
翁住東都三十  
歲詩伴畫友擅  
歡娛一夜枕頭  
夢猿鶴朝窺明  
鏡嗟且愕夫負  
婦携裝何輕家  
賣舟艤期已薄  
嗚呼月落潮平  
是去時此是古  
人傷別詩歸隱  
故山雖甚好翁  
之臨別情可知

賦臺山翁三物贈之

世上多看做畫師  
臺山居士却難窺  
恁麼居士難窺

處寶劍腰間狀作奇

右劍

詩畫逃名數十春  
拌將百歲作游塵  
額間剗得鬚千  
尺撚破許多天下人

右鬚

莫道灞陵山上婦  
灞陵山婦別無能  
看君舉案齊眉  
外更有風流清  
紫稱

右婦

題畫



湖山深處有茅茨雲影波光無限奇  
安得吾為此中主時延好友弄琴棋

悼竹子溫石蘭渚三首

去年傷竹叟今歲失蘭翁造物思何少  
親朋逝欲空村皆讓畔俗身共慕賢  
風篁尾山蕭索從茲游路窮

其二

屈指乾坤內知音得幾人兩披封裏計  
幾慘客中神離隔三千里交歡四十春  
東山雙碣下絮酒亦何辰

其三

少壯好游山橫行三郡間幾回遭世毀  
二子容吾頑詠月牛峰頂酣花鑰水灣  
曉風吹客枕夢破淚潛潛

春日病中作

連年客舍令顏老數月病軀唯骨存  
愛護有人勝婦子安眠無夢戀家園  
慣來毒藥忘辛苦恨負芳辰送曉昏  
自笑嘗窮天下脚一時拘束類羈豚

送知久君彞還村上

北越分侯凡六封就中村府秀靈鍾  
龍蟠擁海岩船郡鬼造摩天鉾  
肩峰喜汝業成歸去好令人神騁勝



情濃名區自古生名士寧獨七奇驚俗胸

九月廿七日諸賢來集邸舍喜賦

皇網昔解紐萬國若干戈誰無優游願一世奈亂麻  
建橐二百載車書歸一家海致重譯貢野聞擊壤歌  
生值聖明世不樂欲如何折簡馳東西掃榻邀衆車  
維時屬高秋氣澄天如磨黃菊吐芳藥丹楓綴錦霞  
雖慚客廚貧賴得風物和賓客豪將俊令德誰不嘉  
鳳儀有餘望瑤篇無纖瑕玄議亦何妙至理使人嗟  
世或尚市交我喜賢友多樂深念國恩興酣感歲華

良觀難數得流曦易徙過鄴下已千古習池自山河  
請君永今日且使醉弁俄

哭倉龍渚

石氏仲車歸大州高會留別鶴巢樓樓在斑象西門  
外時賢雲集唱且酬此時君始到茲都與余一見合  
心符爾後周旋講斯道志業相依似輔車避客談時  
腕兩搯下帷教處子相易詞壇豪興鷹揚辰侯第盛  
筵鯨飲夕君也學德非吾已何幸多年辱親密中間  
雖有合與離概計九千有餘日友得三益心無忤天



奪一老抑何虐花鳥傷心春似秋音容在目今猶昨  
尤憶西歸展墓時枉道二百叩茅茨乃咲乃歌一句  
短如狂如酖四鄰疑送到東郡龜王里餘歡數日樂  
極矣一別五年我再東握手未幾忽如此嗚乎石之  
墓木久已拱誰料君又就丘壟招魂賦罷感何深思  
舊引成淚欲涌寄語九泉念如何家有柏卿莫長嗟

和荅渡邊山人見懷

相逢幾度賦名都湯道風流屬我徒雄興欲回顛後  
日豪歌共碎醉邊壺鬼妨勝事須臾變天奪親朋大

半無十歲山河多感慨憐君寄句說黃壚

奉和謝蘇門山村公見寄

襟帶名山與大川岐嶒形勝世爭傳地靈原係洪荒  
造俗美偏憑太守賢別後廿年懸夢寐飛來五朶落  
雲天焚香伏誦忘形集此調人間有幾篇

秋府古處原君見過喜賦今夏余與君先後  
自東都歸君尋致仕

霜微寒薄仲冬天濁酒枯魚對暮烟東社醉醒年四  
五西歸先後路三千欽君高作冥鴻侶聽我頻歌老



驥篇一夜川流容一葦往來恰好數周旋

從息焉大夫游圓勝寺

一志崎邊寺三條橋外樓寶山當戶面筑水浸窓頭  
尊者拈花意大夫謀野游陪隨何幸福冰釋世間憂  
同前次寺主大匡禪師之韻

香城三月侍嘉賓滿目風光絕俗塵遮莫芳菲世間  
盡諸天花雨永留春

至日游古亭集時東肥愛甲松卿歸鄉將以  
明春從其世子駕之東都

冬至陽回萬慮寬郊村幽墅醉峨冠有人南去將東  
出令我喜深還別難倚檻乾坤雲物改分襟湖海雪  
霜寒明年江左鶯花候西望一思今日歡

丙子二月五日諸子餞余東德寺時東肥東  
子敏新宮公忠將還鄉

香臺二月放春暉美日逢迎興不違雄飲滿筵無惡  
客清言同口有玄機我將東海乘舟去君好南山並  
馬歸別賦何疑情不痛百花兩路競芳菲

上關



八  
卷之三  
遠過三十有餘灘夜泊周南第一關回望與人分手  
處雲封千疊萬重山

舟中作

水路何渺邈千里駕鯨流祗役雖所慣白首奈遠遊  
但有海山眈勝迹又可求俯仰窮流覽頗以慰旅愁  
愁看壇浦水千歲沈龍旒陰雲躋古寺怨氣未全收  
周灘三十六灘灘勝如抽雙珠島代出玉女峰遙浮  
繫纜唐琴浦佳人共倚樓邂逅真可樂瓊李互相投  
水萍易遷轉一帆去悠悠嚴島遙送目讀山近入眸

鹽飽分七嶼鉞禮接八洲玉蟲扇何在武文蟹尚游  
明石歌仙詠須摩謫臣憂遠欽彤管史稿肇此地秋  
一谷何險絕鴨嶺迫斗牛鄧艾一束馬帝昴終逃舟  
寂寂兵庫塔跋扈人久休鬱鬱湊河碣嗚乎名永留  
懷古神欲往眺春酒自酬梅香飄蓬裏知近三津頭

大阪

攝城東與帝城隣十二層樓三月春筵百畫橋橫柳  
岸數千彩舫繫花津唐家不改隋宮舊殷士何知周  
命新欲賦名都節遊紀矯才遠愧太冲倫



澱水

芳辰來勝地小舫載孤筒岸柳隨牽道渚花趁釣蓬  
塔移多寶寺山出應神宮客況堪深慰倚舷騁醉瞳  
伏水二首

暮投江上樓樓下夥運漕半夜人喧呼知是船又到  
其二

中將島上樓日走幾張敞夜深宴未終歌聲雜波響  
贈諸子過東山

帝城風物冠諸州寂是東山堪勝遊鴨水花峰君討

遍詩成為我破羈愁

湖

琵琶湖水渺涵空空際雙橋落彩虹叡嶽錦雲良嶺  
雪自疑身在畫圖中

勢中

五瀨州中三月春來往如雲總賽神中見一叢京樣  
女同裝同飾美相因馬背連得六錦袖六馱三十六  
八人玉藻瓊枝花一色鳳釵蟬鬢映春雲行人萬目  
迎且送陌上到處起紅塵皇澤潤人競行樂不數臨



舊袂成幕

駿中三首

行尋清見古名關天下風光萃此間波際叢松三穗  
浦雲邊飛閣巨鰲山

其二

天女嘗降海上松我来隔浦問前蹤唯有霓裳羽衣  
舞遺為雲雨遠蓮峰

其三

高蹈芙蓉第一巔是吾少壯壯遊篇如今太麓來興

過鬢雪鮮於嶽雪鮮

藤澤驛送諸子過畫島鎌倉

鎌臺畫島我曾遊霸迹荒涼屬僻陬龍窟有途通太  
嶽鶴岡無主致諸侯愁聽玉笛祠前夜醉打苔碑海  
上秋明日會君寄行笈茫茫煙水轉回頭

虞美人草歌

虞美人草花誠佳虞美人草名何来君来問我我且  
說請君姑停手中杯楚有美人姓虞氏姿色秀絕世  
無比一旦召入項王宮八年不離軍帳裏王也神勇



石渠文集 卷之二  
力拔山臨陣一呼聲動天百戰誰人能得敵席卷直  
衝函谷關羸亡劉屈無一難彭城錦衣畫絢爛何圖  
坎下一過步四面楚歌起夜半項王慷慨飲且歌虞  
兮虞兮奈若何虞兮一曲曲未闌天運歸人改山河  
雄霸片時灰飛盡烏江水渺無跡認不如咸陽宮上  
煙猶是三月有餘燼獨憐美人舊血痕化為墓草引  
芳根根引千歲花幽艷似慕君王前生恩嗚乎重瞳  
豎子勇有餘虞美人草名不虛我讀羽紀感方集每  
看此花殆欲泣

送戶上得作歷本曾還鄉

朝日將軍勃起山方壺處士占松關知君相值談千  
歲雲氣飛來抵掌間

喝佛咄

蒙古貪心似犬豬欲吞神州氣方歔萬艦驕兵沈海  
後千家武像竟風初旌旗所畫多龜鶴鎗戟相貽走  
里閭重五年年饒醉客醉深最是舉男廬

中秋雲溪書屋集 迴文體

安心任老送年流社友親吾容顏疣官散喜君多妙



句境佳憐此坐高樓團團出月涼天晚片片歸雲遠  
嶂秋歡晤一宵良值得冠簪脫處醉應劉

秋月高瀨小八來別記座間之語以贈

讀書識幾字便謂國可治經綸自有道糟粕豈其宜  
余聖鳥難辨自愚山可移志大而識暗禍敗往往隨  
秋月城頭山水美君歸飲酒撚吟髭

丁丑正月九日始雪

四時佳興在天機機貴每時賞不違去歲三冬無點  
雪喜看春至始霏霏

始雪訪瀧川公

赤羽橋頭雪下頻參河臺畔望何新遙看山閣簾高  
捲應待扁舟乘興人

首春訪蘇門公步其瑤韻

漢史春來讀一過古蹟身跡動逡巡生逢昭代心常  
泰行到名園樂太多霞映芳樽催獻酢鳥啼暖樹引  
吟哦明朝千里芳菲滿南北陪遊山與河

傷田貫夫

同學無同齒歸年到白頭金蘭無與比肝膽實相投



逝矣君捐我悲哉春似秋客窓花下萼西望淚橫流

奉送米澤侯歸封

王觀經年寵命頻翩翩五馬發城闐潁川久已來靈  
鳥楚國平常寶善人風送旌旗千里近雨霑草木四  
封新不妨政暇時游豫詩就民稱有脚春

送山士明

來往東都三十年君恩臣節得相全學無和漢何多  
識性協剛柔也自然去馬曉嘶刀水月歸旌晴入板  
關煙愧吾衰老猶為客獨喜明春會有緣

六月十七日與諸子從息爲大夫汎舟墨水  
滄江六月伴諸賢短棹長流破水煙橫日盡橋虹處  
處隨波游妓玉舩舩風吹兩岸天無暑人盡千鍾酒  
有仙遮莫林巒懸夕麗好迎明月鼓餘絃

哭三原子孝二首

一封西信到東城報道故人歸九京生別去年猶灑  
淚豈堪忽此隔幽明

其二

雲溪書屋淨無塵蓮巷茅廬是比隣仁里自今仁友



石梁文集卷之二  
絕西歸誰與醉相親

牽牛花

遮莫在天不服箱蔓延地上飾籬牆愛汝朝朝悅人  
久一花纔落一花香

與翠軒翁同飲松文雅舍

風霽雲消節後天秋山爽氣興相牽主為華族名門  
貴客是功成名遂賸一柄塵談人若玉千行盃酌酒  
如泉清遊自愧無佳句醉裏沈吟倚瘦肩

石梁文集卷之二



